

反對派落力培養「港豬」

睇世盃忙打機關心女團總選 「一地兩檢」土地政策唔得閒理

反對派講到「一地兩檢」幾咁邪惡、香港土地分配幾咁咁公義，成日話只關心娛樂嘅人係「港豬」，但自己對住世界盃、打機，所有「正義嘅嘢」咪又煙消雲散。好似「中箭」（香港眾志）常委廖偉濂咁，前日下晝先嘍土地供應專責小組嘅公眾諮詢會度搗亂，過幾個鐘已經開始追捧丹麥隊球員，佢個黨友羅三七（羅冠聰）亦不斷講波。其他反對派中人，包括「熱狗」（熱血公民）主席蟲泰（鄭松泰）、小麗老千（劉小麗）都係宣傳世界盃資訊，落足力去「培養港豬」，似乎已經有人記得「一地兩檢」。咁好心佢哋之前就唔好起勢鬧人啦，回力鏢唔痛癢咩？

■ 香港文匯報記者 甘倫

一班反對派講到「一地兩檢」咁可惡、咁暴力咁咁不公、土地政策咁有問題，但佢哋一邊悲憤，另一邊依然可以好似自己所形容嘅「港豬」咁專注娛樂。數一數佢哋嘅「咁黑暗」嘅時期做咗咁咁先。

「中箭」常委朝搗亂夜睇波

「中箭」個廖偉濂日頭去討論諮詢會，仲話自己手指甲都俾保安整崩，但唔緊要嘅，對眼有事咪得嘍，到咗夜睇Facebook就係咁追捧丹麥隊球員、大讚冰島球門嘅資訊，幾歡樂呢。羅三七亦都係不斷講冰島龍門資訊，真係天跌落嚟都阻唔到佢哋欣賞世界盃。

其他「中箭」成員入面，周庭就咁話俾世界盃盂洗板，咁佢想講咩呢？原來係想講下日本女團AKB48個總選嘅。河童（黃之鋒）就醒喇喇，講「自由示威遊行」，其實就係直播自己打機，不過起碼叫做識得包裝，成功嘅一班「港豬」入面跑出，贏個豬鼻咁。

老千吹雞上街睇波

再望下其他反對派做緊乜。鴿黨個李偉峰就連同涂謹申出咗張海報，大大隻字講「世界盃（盃）靚仔球星逐個捉」，真係好務實。小麗老千就最有行動力，號召群眾但唔



羅三七加入講波。fb截圖



小麗老千號召大家一齊睇波，話「氣氛更好」嗎。fb截圖

係反「一地兩檢」，而係一齊睇街頭睇世界盃，話咁樣「氣氛更好」嘅。
「青年新政」個Cheap禱坐緊監，但係佢個男朋友林肇彥依然興奮睇波，仲開爆撲唔到波嘅西班牙龍門，應該都係因為Cheap禱適應得好唔使佢擔心。蟲泰亦都係

fb到轉貼世界盃資訊，鴿黨羅健雄就咁話今屆世界盃有佢個荷蘭愛隊。成班反對派政界人士用世界盃洗版嘅情況，真係仲墟咁齊心過佢哋反「一地兩檢」。乜「一地兩檢」好有問題咩？睇佢哋fb真係唔覺

保一護一青年
有別於反對派中人轉個頭就唔記得「一地兩檢」猛講波，民建聯立法會議員鄭泳舜講波嘅時候，就記得要提下年輕人唔好沉迷賭波，又話民建聯建議將合法賭博年齡提高至21歲，以免年輕人過早被賭博氣氛影響。喺，做議員又點可以只講波唔做實事呢？
鄭泳舜每日嘅Facebook上載短片，同大家講波，一開始就考吓大家，問世界盃最年輕上陣嘅球員係邊個，再同大家講年輕人賭博問題。佢話，賭博有年輕化趨勢，而且愈嚟愈嚴重，喺資訊科技發達嘅年代，只要用手機就可以投注，令青少年更易接觸到賭博活動。
佢又表示，香港合法賭博年齡係18歲，但為免青少年沉迷賭博，民建聯就建議將合法賭博年齡提高至21歲。另外，其實鄭泳舜今年5月已經嘍立法會議會上提出過質詢，問政府當局點樣遏止青少年賭風蔓延。

佢又引用「波係圓嘅」呢句金句，形容球賽未到最后一秒也未知誰勝誰負，與其受到賭波「勝負」嘅情況影響，倒不如大家開心，一齊欣賞比賽好過嘅。
■ 香港文匯報記者 鄭治祖

插同道撐修訂 教協老鬼「彈出彈入」

香港文匯報訊（記者 陳庭佳）「一地兩檢」條例草案就通過咗，反對派阻止唔到，仲因為咁而出現第N次鬼打鬼。一向同教協主流派唔多妥嘅教協老鬼兼前監事韓連山，就向屬於主流派嘅教協立法會代表葉建源發炮，鬧佢支持「下不為例」，即係投降、賣港咗咁話。教協總幹事馮家強等就專登同韓老鬼「解釋」，仲特別提到佢特別友好嘅「議會陣線」咖哩飯（范國威）同慢必（陳志全）都對有關「下不為例」嘅修正案投贊成票，激到唔夠人講嘅佢block（封鎖）晒一班「異見人士」。不過呢，話都無咁快，條條例草案通過當晚，韓老鬼就同佢口中嘅賣港集團同台集會，仲企喺中間做「中間超人」。哦，明晒，做咁多嘢都想搶fb（焦點）啫！

借「一地兩檢」片葉建源

話說反對派就「一地兩檢」條例草案提出廿幾項修正案，有拖遲生效日期，有新增加「失效日期」，仲有一項係公民黨譚文豪提嘅，就係指明今次實施「一地兩檢」係「一次性安排」，言下之意即係「下不為例」。條修訂一睇就知，係反對派提嘅拖延表決時間嘅。

所以，唔少反對派議員都有發言支持譚文豪呢項修正案，包括葉建源，之但係韓老鬼眼中只有整片森林當中嘅一棵樹，提呢項修正案嘅譚文豪唔關，支持呢項修正案嘅其他議員唔關，淨係片屬於教協主流派嘅葉建源：「葉建源強調『割地兩檢』『下不為例』。係唔係贊成三讀通過『割地自閩』？」「人民力量」副主席快必譚得志仲走去like同留言附和。


同教協打工嘅馮家強亦都好盡責，出po（帖文）幫老細解畫：「fb有某位人兄批評葉建源發言指『割地兩檢』『下不為例』是投降。……葉建源當時是發言支持公民黨該議案，盡力發力陳利弊，咁都可以俾某些人不分前因後果話葉建源投降呀『投共』呀，我覺得好煩囉。唔該講嘢前查清楚先，唔好亂噏當秘笈，如果唔係笑死人囉。」



工黨個「佔中糾察」郭紹傑就好有心咁將馮家強個po貼去韓老鬼個fb度，不過韓老鬼就唔領情，話咁樣解釋都只係枉然，如果係譚文豪支持「下不為例」，就連佢都要鬧埋。馮家強無佢咁好氣：「其實呢，認為要『抗爭』甚至覺得要拉布的人，如果連呢啲修正案都接受唔到，咁點做呢？呢啲係常識嘍啲陰公……」

俾人回攞即滅聲封人

郭紹傑仲「溫提」韓老鬼，話同佢不知幾老友嘅咖哩飯同慢必都對「下不為例」嘅修正案投贊成票，咁佢老人家便



馮家強寸韓老鬼未搞清楚事實就開地圖炮，不過有啲護主意味嗎。fb截圖



郭紹傑不滿韓老鬼又要鬧主流反對派，又要出席佢集會，仲企企正中間。fb截圖

係受唔住界（俾）事實大巴巴咁咁咁咁刺激，一於咁咁咁咁咁咁，馮家強就問起起碼7次韓老鬼點解要刪人留言，最後激到佢將一班「異見人士」趕盡殺絕：「Block晒！費事回應！」

咬完人又做「中間超人」

當日係「一地兩檢」條例草案最後一日審議，主流反對派昨晚咗立法會後度搞集會，對於形容佢哋係「賣港集團」嘅韓老鬼嚟講其實都應該「非禮勿去」，但佢偏偏當晚就企正大台中間位，好似漆黑中嘅螢火蟲一樣咁鮮明出眾。



《城市論壇》昨就「一地兩檢」議題進行討論。香港文匯報實習記者胡俊斯攝

拉布反怨欠討論 張國鈞斥荒謬

香港文匯報訊（記者 鄭治祖）立法會日前完成「一地兩檢」的「三步走」程序，企圖阻撓條例草案通過而不果的反對派議員，則繼續唱衰有關安排。有份拉布的公民黨立法會議員陳淑莊（縮莊）聲稱，立法會主席梁君彥未有給予「足夠時間」議員討論議題。民建聯立法會議員張國鈞則反駁指，反對派議員一方面控訴討論時間不足，一方面卻浪費討論時間，是荒謬的行為。有觀眾亦呼籲反對派議員尊重及顧及大多數市民的意願，實事求是。
香港電台昨日舉辦《城市論壇》，主題為「『一地兩檢』完成三步走，行政立法關係向後溜？」，張國鈞、陳淑莊、前立法局主席黃宏發、前立法會議員李華明以嘉賓身份出席。

縮莊諷過主席「諸多限制」

陳淑莊聲稱，梁君彥對議員發言「諸多限制」，亦未能給議員「足夠時間」討論議題，在二讀中有11名議員未能發言。她又稱，在立法會休會前仍有許多機會進行「一地兩檢」的辯論，無需如此迫切在6月內完成「三步走」。

張國鈞則反駁，指現時已有許多政府法案被「一地兩檢」草案的辯論拖延「靠邊站」，成為了議會中的「犧牲品」。他又指出，反對派議員一方面控訴討論時間不足，一方面卻又浪費討論時間，每人利用15分鐘要求終止辯論，又再要求15分鐘進行討論。另外，反對派議員發言常常離題，但又聲稱「主席，我返緊嚟（議題）啦」，是荒謬的行為。

對於反對派議員發起對梁的不信任動議，張國鈞表示，民建聯認為此動議並不適當。他坦言，現時立法會主席難做，皆因立法會議事內部的狀況已經與昔日大為不同。

他指出，現在議員什麼事都做得出，什麼話都能說得出，包括損毀場地物資、站上桌上、將響鳴的防狼器鎖在席上然後離開、以暴力行為導致保安受傷等，「做家嘅立法會議員係非常非常之惡」。

張國鈞同意梁君彥在處事上仍有進步空間，相信他亦會汲取每次的經驗而改善。

市民籲反對派勿拖延議案

有在場觀眾發言，表示反對派議員在二讀中浪費時間點人數，並沒有認真利用時間討論議案。另有觀眾呼籲反對派議員尊重及顧及大多數市民的意願，實事求是，在適當時候撥亂反正，不要再採取拉布手段拖延議案，並希望立法會日後能造福市民，減少內部矛盾，讓香港能夠重返正軌。



網民製圖寸韓橋道歉無誠意，都係為選票先做樣。fb截圖

竊橋道歉為選票 網民唔收貨圍插

「一地」激起千重浪，反對派咗立法會審議「一地兩檢」條例草案期間嘅言行，真係講足幾日幾夜都講唔晒，好似公民黨黨魁楊岳橋（楊岳橋）咁，就係發言期間借頭借路就佢句金句「留案底會令人人生變得更精彩」道歉。不過，佢只係向「東北案」13個被告同「社運界朋友」道歉，又唔係為佢教壞網路而耍，網民又點會收貨呢？有人就覺得佢呢句「對唔治」，都係選票作怪！
喺立法會繼續審議「一地兩檢」條例草案之前，民建聯副主席張國鈞就咗行政長官質詢環節抽楊橋水，不點名「有身為大

律師嘅議員」，發表鼓勵年輕人「留案底會令人人生變得更精彩」嘅言論。喺審議條例草案期間，就輪到民建聯另一位副主席、竊橋係前年立法會補選嘅對手周浩鼎接力，今次佢就直線打擊，批評竊橋言論係禮崩樂壞。
認「案底論」不當 拒向全港道歉
竊橋最後係三讀辯論發言期間，終於承認「留案底精彩論」係不恰當言論，為自己嘅失言向「東北案」13個被告同「社運界朋友」道歉。
網民嘅留言就比留案底更加精彩。「Kam Moon Yuen」話：「x，好在唔

係在法庭幫人答辯，係就害死人，身為律師可會（為）在法庭講錯話而道歉呢？律師牌是真係假呀？」「Tony Ip」亦都同意：「呢條廢柴律師害咗啲年輕人，香港有啲咁嘅所謂議員想好都難，坐囚令人人生精彩，你x街我們就更加精神。」「Ollie Jor」更話，竊橋自己入冊就更精彩嘅。
「Kam Fai Tang」認為竊橋突然道歉，都係選票導向，「佢呢啲人點會真心道歉呀，只不過是為了將來的選票做樣……喺入面（監獄）受的人是他們自作自受，以為『違法達義』就做得都得好！都無腦嘅！」
■ 香港文匯報記者 陳庭佳